

De imaginibus siue Constellationibus cæli
Septentrionalis Cap. XXX.

Quod imagines hic uocamus, proprie sunt Astra. Est em̄
Astrum uel Sydus animalium, aliarumue rerum in cæli
ambitu effigies, ex pluribus Stellis constans. Stella singularis
est, Sic Astrea, Helice, Taurus, Astra dicēda sunt. Arcturus, Sy
rius, Iuppiter, Mars, Stellæ. Cæterum ipsas hoc loco imagines
breuiter percurram. Suidiosus Lector earundem diligentio rem
explicationē petat ex Ptolemæo, Manilio, Higinio, Pontano,
Arato & commentarijs in Aratum.

Vrsa minor, quæ & Cynosura & Septentrio & Plaustrū mi
nus, ab equorum rotarumque specie nominatur, septem habet
Stellas, quarum illa, quæ in cauda conspicitur, Polaris est, lati
tudinem habens graduum 66, quæque anno hoc 1526, recta linea
ad 20, gradum Geminorū refertur. Sunt ipsæ aut Stellæ omnes
magna ex parte de natura Saturni & Veneris.

Vrsa maior, quæ & Helice & Plaustrum maius nominatur,
eandem figuram, eundemque Stellarum numerū habet, quæ Vr
sa minor. Sed Helices Stellæ maiores sunt, ac maiori inter se spa
cio distant. Huic imagini attribuunt Stellas 35. quarū multæ ta
men nihil faciunt ad effigiationem, feruntur omnes plurimum
habere de natura Martis.

Draco siue Serpens inter ambas Vrsas flexuoso corpore si
tus est, semicingēs scilicet utranque, dicitur 30. habere Stellas, lu
cidas, tres in capite, & 12. in corpore, quæ omēs pro magna parte
Saturninæ sunt, ac nonnihil etiam Martiales.

Cepheus patulis manibus cum Zona & Ense effigiatur post
Cynosuram, cuius Stellæ, quæ numero sunt 13. aut potius 19,
putantur esse Iouis & Saturninæ.

Arctophylax custos Erymanthidos Vrsæ, quem Booten uo
cat Homerus, Arctum maiorem sequitur, & Stellas cōplectitur
23. Inter quas rutila & fulgens quædā est, cui Arcturo nomen,

i 3 declis